



注維摩詰經卷第十

後秦釋僧肇選

法供養品第十三

爾時釋提桓因於大眾中白佛言世
尊我雖從佛及文殊師利聞百千經
未曾聞此不可思議自在神通決定

境

實相經典

什曰維摩詰接妙喜世界來入此境及上來不思議事皆昔來所見未有若此

之奇也放光等所明實相廣啟難尋此經略敘眾經要
義明簡易了故歎未曾有也亦云會我為妙故歎未曾
有也肇曰說經將託舍利弗已慶美於上帝釋復欣其
所遇而致歎也此經言雖簡約而義包群典坐不踰日
而備觀通變大乘微遠之言神通感應之力一時所遇
理無不盡又以會我為妙故歎未曾有也

如我解佛所說義趣若有眾生聞是

經法信解受持讀誦之者必得是法

不疑什曰若累深信薄者經涉生死究竟必得若善積而悟深者隨願輒成之夕近不以劫數為限

也何況如說修行肇曰是法即上不可思議自在神通決定實相法也

如我解佛義深遠難遇若聞能誦持者必得不斯人

則為閉眾惡趣肇曰八難眾趣開諸善門肇曰人天涅槃

也門常為諸佛之所護念降伏外學摧

滅魔怨肇曰四魔怨也脩治菩提什曰梵本菩提下有道字道即

趣菩提道也安處道場肇曰在道場成佛道名菩提今雖未成便為修治佛道安置道

場履踐如來所行之跡肇曰如說修行則同佛行

世尊若有受持讀誦如說修行者我

當與諸眷屬供養給事所在聚落城
邑山林曠野有是經處我亦與諸眷
屬聽受法故共到其所其未信者當
令生信其已信者當為作護肇曰天帝
故其所遇
有故致未曾之數兼欲護
養以弘其道矣
佛言善哉善哉天帝
如汝所說吾助爾喜此經廣說過去
未來現在諸佛不可思議阿耨多羅

三藐三菩提

什曰梵本此菩提下有法字也生
日經說佛惠則惠在經矣經苟有

惠則是佛
之法身矣

是故天帝若善男子善女人

受持讀誦供養是經者則為供養去

來今佛

肇曰善其護持之意也三世菩提不思議
道皆陳在此經若受持護養則為供養三

世諸佛故助汝喜生日夫以衣食供養者存其四體而
長之也若受持讀誦此經既全其理又使日增於佛法
身不亦有
供養義乎
天帝正使三千大千世界如

來滿中譬如甘蔗竹筴稻麻叢林若

叢

有善男子善女人或一劫或減十劫
恭敬尊重讚歎供養奉諸所安至諸
佛滅後以一一全身舍利起七寶塔
縱廣一四天下高至梵天表刹莊嚴
以一切華香瓔珞幢幡伎樂微妙第
一若一劫若減十劫而供養之於天
帝意云何其人植福寧為多不釋提

桓因言多矣世尊彼之福德若以百
千億劫說不能盡佛告天帝當知是
善男子善女人聞是不可思議解脫
經典信解受持讀誦脩行福多於彼
肇曰供養之福以方惠解般若諸經類有成按生日衣
食供養本以施功致福非來理之法據此正可生入天
之中終不得成佛也供養法身者以佛所體為懷至於
大悟智惠而以相比豈可同年而語其優劣哉
所以者何諸佛菩提皆從是生
生日體
此經理

終成菩提生曰菩提故從中生無相不可菩提之相不可限量

以意限以是因緣福不可量摩知高木必起

量之矣荆岫所以無量之果必由無量之因諸佛菩提皆從習

此經而生菩提之道以無相為相無相之相不可限量

因是生福福何可量也生曰以佛告天帝過去

無相為受持之福福無盡者也無量阿僧祇劫時世有佛號曰藥王

如來應供正徧知明行足善逝世間

解無上士調御丈夫天人師佛世尊

世界曰大莊嚴佛壽二十小劫其穀

聞僧三十六億那由他菩薩僧有十

二億天帝是時有轉輪聖王名曰寶

蓋七寶具足主四天下王有千子端

正勇健能伏怨敵爾時寶蓋與其眷

屬供養藥王如來施諸所安至滿五

劫過五劫已告其千子汝等亦當如

所

我以深心供養於佛於是千子受父
 王命供養藥王如來復滿五劫一切
 施安摩曰上以財供養受持即法供養也如來將成法供養義故引成事以為證焉其王
 一子名曰月蓋獨坐思惟寧有供養
 殊過此者什曰異或有大德諸天殊特供養若有過此慕欲及之云雖盡已所珍不能上悅聖心異所珍之外有以暢其誠心故發斯念更惟勝供也摩曰極世者珍無以擴其至到之情異所珍之外別有妙養以暢其誠心又宿緣將會故生斯念也生曰引過去以驗供養法身為勝也以佛

神九空中有天曰善男子法之供養

勝諸供養什曰若財供養則於佛無用於眾生無益故非所欣也如來積劫本為眾生若

奉順經典如說修行則稱悅聖心乃真供養也摩曰藥王如來知其將化故變為空神而告之生曰法供養者行法即為供養也即問何謂法之供養天曰汝

可往問藥王如來當廣為汝說法之
 供養即時月蓋王子行詣藥王如來
 稽首佛足卻住一面白佛言世尊諸

之之
供養中法供養勝云何名為法供養

之
佛言善男子法供養者諸佛所說深

經
什曰三藏及雜藏菩薩藏五藏經也上四藏取中深義說實相等故得為深經也從此至下十方

方三世諸佛所說盡是廣敷佛所說深經未明受持脩行法供養義也生日先明經也深經者謂佛說實相法以為善

一切世間難信難受
生日實相理豈有深淺哉世

微妙難見
生日妙絕人非其所及故為深也心見之難矣

清淨無染
肇曰深經謂方等第一義經也其旨深玄非有心之所得微妙無像非明

者之所觀超絕塵境無染若空欲以有心有明而信受見者不亦難乎自此下美深經之旨諸佛所說深經即佛法身也夫財養養四體法養養法身若能護持斯經令法身增廣者此供養之上也生日無相可取故不得生垢若能見之垢亦除也
非但分別思惟之所能得

什曰要須禪定等諸功德非但智惠分別之所能得也亦云要用實智惠然後能了非分別取相所能解也肇曰第一義經微遠無相自非明照孰能分別業之差乎故曰非但分別也生
菩薩法藏所攝
什曰凡日要積功德然後會矣
說法能成就菩薩皆是菩薩法藏所攝
也生日是菩薩所體而物莫能關也
陀羅尼印

域

印之

什曰惣持有無量實相即惣持之一若經中說實相實相即是印以實相印封此經則為深經

也復次印梵本言相實相也以實相為經標相也摩日菩薩法藏之所攝故非小乘之實惣持印之所印固非

域中之道惣持所印所印必真法藏所攝所攝必實既藏以法藏印以惣持豈是常人所能開發以明法寶深

周難可闕闕也生日隨羅尼者持也若持實相不失於諸天人魔梵之中不復畏有不通之義譬若玉印為信

關津諸禁莫能呵留果是印持所印之經則無有闕

至不退轉

生日理無退處從之

必**成就六度**

什曰言此經能令人不退成六度也摩日不退所以至六度六度所

以成大乘大乘之所出莫不由斯典也生日非但不退而已乃極諸法邊涯焉

善分別

義

生日義謂言中之理也而此經善分別之

順菩提法

什曰深經所說於理

無差故言善分別善分別故順菩提也摩日善分別實相之義順菩提無相之法也生日正以載菩提法為經

故無乖

衆經之上

什曰舉其深者於衆經為上也矣摩日三藏十二部方等為第一

生日九十六種

入大慈悲

什曰深經能令人入也摩日深經所以建慈悲

所以弘入之者必以大慈大悲乎是以方等深經皆入大慈大悲合為一體也生日明見法理必能示諸不達

離衆魔事

什曰凡非法緣悉魔之事

及諸邪見

摩日魔四魔見

六十二見也正教既弘衆邪自息生日魔邪皆起於惑若體此經則離之矣

順因緣法

什曰若法定有則不生滅若法全無亦不生滅不生滅則與因緣相違深經所說非有非無非有非無故順因緣法也生曰說不違因緣理也

無我無人無眾生無壽

命空無相無作無起
肇曰法從因緣生緣則無自性無自性則無主無主則無我人壽命唯空無相無作無起此深經之所順也生曰此則因緣法矣

能令眾

生坐於道場
生曰坐道場時思惟十二因緣如此故得成佛

而轉法輪
肇曰深經之所順也生曰既成佛復能使人悟斯法

諸天龍神

乾闥婆等所共歎譽
什曰以深經能成佛道轉法輪則天人蒙度所以群

能令眾生入佛

法藏
肇曰未有捨背深經而能入佛法藏者生曰體此經者入佛法藏也

攝諸賢

聖一切智惠
肇曰一切賢聖之智無離深經也生曰三乘皆同以其理為悟故無攝

說眾菩薩所行之道
肇曰菩薩所行之道無方八万眾行皆陳之深經也生云雖曰惣攝賢聖智惠而二乘不盡其理唯是菩薩所行之道而已

依於

諸法實相之義
什曰經說實相故經依於實相也生曰言不遠宗也

明宣無常苦空無我寂滅之法
肇曰不依實相

慶

法華經卷下

九

辯四非常者非平等教也依實相乃日明也生日依諸法實相之義則盡然表不得不無常而無無常相也

能救一切毀禁衆生什曰小乘法中五逆罪及犯四重禁則皆

棄而不救大乘深法則無不救也生曰體之則出毀禁罪之境也諸魔外道及

貪著者能使怖畏肇曰毀四禁犯五逆小乘法所不能救衆魔外道貪

著身姿小乘法所不能滅能救能滅者其唯大乘方等深經乎生日恐失其有諸佛賢聖

所共稱歎肇曰諸佛共稱以明其法必真也生日唯諸佛賢聖得其為美故歎之

背生死苦生日體之則結示涅槃樂肇曰生死盡泥洹也

恣

雖苦背之至難涅槃雖樂識之者寡自非深經執啓其路生日既達因緣法則知息之為樂矣十方

三世諸佛所說肇曰諸佛雖殊其道不二古今雖異其道不改以明第一義經

常一不差也美深經訖於是也生日十方二世諸佛無不必同也若聞如是等

經肇曰大乘深經其部無量故言等也信解受持讀誦以方

便力為諸衆生分別解說顯示分明

守護法故是名法之供養什曰上來讚歎深經今始更明

受持宣行行法供養也肇曰如是等經盡諸佛法身也若聞斯經能信解護持宣亦分別令大法增廣者名法

示

之供養養成法身也生日以受持
讀誦是守護之義故名法供養

又於諸法如

說脩行

什曰上章明奉順經典真法供養也如說
脩行通舉六度也十二因緣以下明得無

生忍以實智惠隨順實法也肇曰上以信解護持宣示
弘布以為法養今明內行應順為法供養也諸法即深
經所說六度諸法也生日如經說而脩
行者最深者也故別明之焉
隨順十二

因緣

生日情不復非
因緣理也

離諸邪見

生日既順因緣
理則離有無諸

邪得無生忍

生日順因緣理無復
邪見者無生法忍也

決定無

我無有眾生

肇曰不悟緣起故有邪見之迷封
我之感若如說行則得明惠明見

十二因緣根源所由故能離諸邪見得無生忍無復吾
我眾生之想也見緣如緣謂之隨順明白有無謂之決
定皆智用而於因緣果報
生日無生忍之為
見也則決定矣雖

無我無眾生而非
無受報之主也

無違無諍

什曰見法如法故
無違無違故無諍

離諸我所

肇曰無違無諍即隨順義也五受
陰身及家屬所有因緣果報即我

所也若能明見因緣果報之性順而無違則離諸我所
也上直觀因緣知無造者故離我見今觀因緣果報知
無屬者故離我所見也
依於義不依語
肇曰至
生日亦離我所
宣尋言則失至且妙理常一語應無方而欲以無方之
語定常一之理者不亦謬哉是以依義不依語者見之

明也生日不復逐語取相而昧其理也

依於智不依識

摩日六識識六

塵而已不能分別是非分別是非其唯正智乎是以行者依智不依識也生日若識以著為情智以達理為用終不復從識率智也

依了義經不依不了義經

摩日

佛所說經自有義旨分明盡然易了者應依亦有應時之經詭言合道聖意難知自未了者不可依也生日辨理者為了義經也雖日巧辭而無理者為不了義也

依於法不依人

日什

佛言我泥洹後當依止四法以為大師所謂四依法也明此四法可依止可信受也依於法不依人者法謂經教也當依經法不可以人勝故背法依人也法有二種一文字語言二義法莫依語也義亦有二種一識所知

義二智所知義識則唯求塵妄五欲不求實利智能求實利棄五欲故依智所知義不依識所知義為求智所知義故依智也智所知義亦有二種一了義經二不了義經不了義經如佛說殺父母無罪未分別是不了義也若言無明是父愛是母生死根本故名父母斷其本則生死盡故言殺之無罪既分別是了義經也復次若佛言佛是人中第一涅槃是法中第一如是等皆名了義也是故當依了義經莫依不了義經摩日法雖由人弘而人不必盡應於法法有定措人無常則所以行者依法不依人也生日人行理無非法為法也苟日有法不遺下賤若無法者雖復極貴極高亦不從之

隨順法相無所入無

所歸

摩日法即下因緣法也上順因緣知法無生合順因緣知法無盡也法從緣而有從緣而無其

有不從未來來其無不歸入過去故曰無入無歸也生
日復隨順法相無入無歸之義也無入無歸盡不為實
也 **無明畢竟滅故諸行亦畢竟滅乃**

至生畢竟滅故老死亦畢竟滅 什曰此即四依

中如實法也上十二因緣明如說脩行隨順因緣故得
無生法忍今明行四依依十二因緣如實相也摩曰無
明十二之根本無明既滅餘緣亦滅也畢竟謂始終常
滅不復更滅始終常滅不復更滅乃所以成無盡滅義
也生曰畢竟滅者終要然也終既要滅生豈 **作如是**
有哉生若不有其誰有滅耶則無入無歸也

觀十二因緣無有盡相 摩曰滅盡義一既
曰畢竟滅而曰無

盡者何耶夫滅生於不滅畢竟常滅則無不滅
無不滅則滅無所滅滅無所滅即是無盡義也 **不復**

起見 摩曰上觀因緣無生離常我等諸
見今觀因緣無盡離斷滅等諸見 **是名最**

上法之供養 摩曰若能順行深經明見緣起
足四依離諸見者法養之上也上

直明誦持此內行應順故言最上也生曰
諷誦讀說已上於衣食供養此又最上也 **佛告天**

帝王子月蓋從藥王佛聞如是法得

柔順忍 什曰柔謂軟鈍也於實相法未能深入軟
智軟信隨順不違故名柔順忍也摩曰心

柔智順堪受實相未
及無生名柔順忍 **即解寶衣嚴身之具**

以供養佛自佛言世尊如來滅後我
 當行法供養守護正法願以威神加
 哀建立令我得降魔怨脩菩薩行什曰
 四魔合為三怨一煩惱二天魔三外道也如來滅後月
 蓋道力未具若不加威神則為魔所壞不能降伏故請
 加威神肇曰聞法供養欣欲行之然經
 道深遠非已力所弘故願加威神也
 佛知其深
 心所念而記之曰什曰欲令後人信伏故記
 汝於末後守護法城天帝時王子月

其守護法藏也

蓋見法清淨聞佛授記以信出家什曰

若俗穢自纏垂於淨法知非處穢之所
 弘道故出家修淨以弘淨法
 脩集善法

精進不久得五神通具菩薩道什曰明

如通達佛道中說也得陀羅尼什曰是無斷辯才其無闕

辯才無盡隨其說之夕近不中斷也於佛滅後以其所得神

通惣持辯才之力什曰以神通力故能現變

辯才力故能等為人說有此三力故能宣布遺法者也滿十小劫藥

王如來所轉法輪隨而分布

摩曰分布法輪即弘

法養也

月蓋比丘以守護法勤行精進

即於此身化百萬億人於阿耨多羅三藐三菩提立不退轉十四那由他人深發聲聞辟支佛心無量衆生得生天上天帝時王寶蓋豈異人乎今現得佛號寶炎如來其王子即賢

劫中千佛是也從迦羅鳩孫馱為始得佛最後如來號曰樓至月蓋比丘則我身是如是天帝當知此要以法供養於諸供養為上為最第一無比

摩曰吾成正覺由法供養以是可知法養為上矣

是故天帝當以法

之供養恭敬於佛

摩曰行法養即恭敬佛也

囑累品第十四

於是佛告弥勒菩薩言弥勒我今以
是無量億阿僧祇劫所集阿耨多羅

三藐三菩提法什曰言此經是付囑於汝

什曰不付阿難以其無有神力不能廣宣故不付也維摩非此土菩薩故不囑也支殊遊無定方故不囑囑弥勒者以於此成佛故也佛自以神力宣布欲成弥勒功業故也摩曰不思議經即佛無上菩提之道其道深遠難可尅成吾無量劫不惜身命由施踰頭弥如施過江海勤苦積集今始得就哀彼長迷故垂之竹帛然群生薄德魔事熾盛吾道多難非汝不弘嗣正之策所以重囑累之也

如是輩經於

佛滅後末世之中汝等當以神力廣

宣流布什曰用神通則能消伏魔怨廣宣無碍矣於閻浮提無

令斷絕摩曰城高則衛生道尊則魔盛自非神力無以制持故勸以神力矣所以

者何未來世中當有善男子善女人

及天龍鬼神輒聞婆羅刹等發阿耨

多羅三藐三菩提心樂于大法若使

不聞如是等經則失善利什曰若不聞此經或墜三

乘則失大
乘善利也

如此輩人間是等經必多信

樂發希有心當以頂受隨諸衆生所

應得利而為廣說

肇曰法之通塞損益若是
故勸彌勒頂受廣說者矣

彌勒當知菩薩有二相

什曰若好雜句應
授之以文若好深

法即誨之以義要宜知其相故為辯二相也肇曰行之
深淺各有異相得失兩陳以屬護持法者也

何謂為二一者好於雜句文飾之事

答

肇曰文者何耶妙旨之蹄蓋耳而新學智淺未
能志空言求理捨本尋末唯文飾是好

二者

不畏深義如實能入

肇曰妙旨幽深微言反
俗自非智勇孰能深入

耶若好雜句文飾事者當知是為新

學菩薩若於如是無染無著甚深經

典無有恐畏能入其中聞已心淨受

持讀誦如說脩行當知是為久脩道

行肇曰無染無著經之深者
自非久行孰能無畏

彌勒復有二法

名新學者

什曰將欲令人信樂深經慎新
學之過故廣記新學過也

不能

決定於甚深法何等為二二者所未

聞深經聞之驚怖生疑什曰始聞則驚尋

不能隨順毀謗不信而作是言我初

不聞從何所來二者若有護持解說

如是深經者不肯親近供養恭敬或

時於中說其過惡摩日一毀有此二法

當知是新學菩薩為自毀傷不能於

深法中調伏其心亦勒復有二法菩

薩雖信解深法猶自毀傷而不能得

無生法忍摩日上雖聞深經不能信解今雖信解

何等為二一者輕慢新學菩薩而不

教誨什曰自恃深解故生慢也摩日雖解深義未為

二者雖解深法而取相分別是為二

法什曰雖不生慢而有取相之累也摩日因其所解

也
彌勒菩薩聞說是已白佛言世尊

未曾有也如佛所說什曰數佛上來所說經及辯菩薩異相也

我當遠離如斯之惡華曰一生大士豈有如斯之惡各聞而後離耶

發斯言者為未離者耳奉持如來無數阿僧祇劫

所集阿耨多羅三藐三菩提法若未

來世善男子善女人求大乘者當令

手得如是等經與其念力什曰以神通加其念力令不忘

也問曰昔時魔常來下壞亂學人今何因不來答曰魔
波掘恩力故佛在世時有外道薩遮尼健大聰明能論
議心大高慢知佛法尊妙意欲出家問佛言我若出家
智德名聞如佛不佛言不得又問得如舍利弗不佛言
不得如是是一問五百弟子乃至問得如羅睺羅不答
言不得於是尼健言我出家既不得如佛又不得如弟
子何用出家又問後當得不佛言後世無諸大人然後
當得尼健命終已佛沮洳後百年阿育王時生出家學
道得阿羅漢有大名聲教化國人令得阿羅漢除度夫
不度婦度婦不度夫不在數中但取夫婦俱時得阿羅
漢者以筭子數之積筭滿屋後泥洳時以筭子燒身不
殺餘物求泥洳時嘗於林中坐禪見一餓狗饑羸將死
常減食與之諸比丘各分食而墮狗遂腹脹欲死時諸
比丘各坐繩牀圍繞守視誦經說法狗以善心視諸

比丘又聞法音命終已生第六天有大威德與魔王共
坐時狗已真爛彼魔心念何因有此大人與我共坐觀
其本緣乃知是狗即大瞋恚是優波掘比丘使是其狗
與我共坐當作方便令其毀辱時優波掘林中坐禪入
滅盡定魔即以天上嚴飾華鬘繫額上已廣語四眾將
共視之此比丘於空閑處嚴飾如是云何名為清淨有
德須臾優波掘從足起覺頭有華鬘知是魔為即指之
汝是魔王即取死狗變為華鬘極大嚴飾語魔言汝以
鬘供養我我還以鬘報汝汝可著之便以神力繫鬘著
魔王頸繫已還成死狗腫脹蛆爛甚大臭惡魔以神力
去之而不能得至帝釋所帝釋不受自還六天乃至梵
天皆悉不受無能為解語言汝自還去求彼比丘即至
優波掘所求解臭鬘優波掘即與要誓汝從今日乃至
法盡莫復來下壞亂學人又我雖見佛法身不見色身

汝今為我變作佛形若能如是當解汝鬘魔即受其言
便語比丘言我作佛時真向我禮於大林中變為佛身
相好具足放大光明作諸弟子皆如舍利弗等大眾圍
繞從林間來優波掘歡喜踴躍忘其要誓即為作禮魔
言去何違要而向我禮優波掘言我自作佛意禮耳於
是真鬘自然得解魔言佛真大慈悲我種種燃佛佛不
報我而今比丘見報如是之甚比丘言佛大慈大悲自
能容忍我小乘之人不能如是魔不來因緣略說之也
肇曰冥啓其心使受持讀誦為他廣說世
增其善念也

尊若後末世有能受持讀誦為他人
說者當知是彌勒神力之所建立

定已功於未然佛言善哉善哉彌勒加汝
息眾魔之候

所說佛助爾喜於是一切菩薩合掌
白佛言我等亦於如來滅後十方國
土廣宣流布阿耨多羅三藐三菩提
復當開導諸說法者令得是經爾時
四天王白佛言世尊在在處處城邑
聚落山林曠野有是經卷讀誦解說

者我當率諸官屬為聽法故往詣其
所擁護其人面百由旬令無伺求得
其便者

是時佛告阿難受持是經廣宣流布
阿難言唯然我已受持要者世尊當
何名斯經佛言阿難是經名為維摩
詰所說亦名不可思議解脫法門如

是受持佛說是經已長者維摩詰
殊師利舍利弗阿難等及諸天人阿
脩羅一切大眾聞佛所說皆大歡喜

注維摩詰經卷第十

新雕維摩經後序

推誠保德朝戴功臣金紫光祿大夫行尚書左丞上柱國清

河郡開國侯食邑一千七百戶食實封肆伯戶張齊賢述

壬午歲冬首余自右補闕直史館江
南轉運使

詔還聚族乘舟順流而下時十月九
日泊于湖口之側將夕有一人年可

五十許衣服狀貌類于漁者拜于岸
次自陳累世水居南中有居牌筏舟
船之上號名水居預知
風水裏中出水行圖子以獻且言十
四日當有大風事備錄異記又數日
晝夢一人衣皂衣水中出其半身自
稱江饒要維摩經十卷覺而異之十
四日果於荻港之上遇大風暴起船

將覆沒者數四僅而獲全即先言風
水之日夢中稱曰江饒舉家脫魚腹
之葬不亦幸乎屈于京師徧令求訪
維摩經十卷者咸曰無之不數月余
於所親處覩一經函發而視之即維
摩經一部十卷懿夫金文玉偈之殊
勝海藏龍宮之守護功德之力其昭

昭乎其昭昭乎愚冥之徒不能起信
深可悲矣因擇工人俾之雕刻志願
散施貴廣傳布用標靈異直紀歲時
聖宋淳化四年八月十五日道德里序

東京左街萬歲西院講維摩經沙門 守賢重勸

宣德郎守大理評事權大理寺丞公事張 致用

翰林待詔承奉郎守少府監丞御書院祗候賜緋魚袋張 用和

兼奉郎守秘書省著作佐郎直集賢院武騎尉賜緋魚袋趙安仁等書

皇祐二年月日推誠保順同德崇仁守正朔戴功臣武寧軍節度徐州
管内觀察處置等使開府儀同三司檢校太師兼侍中行徐州大都督府
長史判河陽軍州事兼管內河堤勸農使馬步軍都部署提舉鄭滑等州
巡檢兵甲公事上柱國鄭國公食邑萬三千七百食實封肆千玖佰戶夏竦車較

13565
欠 3.7.9
361
七



延寶六^戊午年六月吉日

河內屋理兵衛



